

宋

會

要

宋會要

新穀

景祐上辛祈穀仁宗御製二首 太宗配位奠幣仁安天祚有闡文德永  
遠祈穀日辛侑神禮展酌獻紹安於穆神宗惟皇永命屬醴六尊降歆于  
詠 紹興祈穀三百 降神盟洗升壇還位及上帝奠玉幣奉俎並同圓  
丘 太宗位奠幣宗安 於穆思文克配上帝涓選休成遵揚發衛祇薦  
明誠肅陳量幣享茲吉蠲申錫求裔 上帝位酌獻嘉安 三陽肇新萬  
物資始精誠祈天其聽斯通願均兩賜田疇之喜如坻如京以備百禮  
太宗位酌獻德安 天錫勇智允惟太宗功隆德盛與帝比崇禮嚴陟配  
誠達精衷尚其錫祉歲次歲豐

宋會要

祈雨

國朝凡水旱災異有祈報之禮祈用酒脯醯醢如常禮  
記  
宮觀寺院以香茶素饌京城玉清昭應宮上清宮今廢  
景靈宮太一宮太清觀今建隆觀會靈觀今景德觀祥  
原觀今醴泉觀大相國寺封禪寺今開寶寺太平興國  
寺天清寺天壽寺今景德寺啟聖院普安院以上乘輿  
親禱或分遣近臣昊天上帝於南郊皇地祇於北郊或  
南郊望祭太廟社稷諸方嶽鎮海瀆於南郊望祭天齊  
仁聖帝廟五龍堂城隍廟祔祠報慈寺崇夏寺報先寺  
今乾明寺九龍堂浚溝廟子張子夏廟信陵君廟段干

木廟扁鵲廟張儀廟吳起廟單雄信廟以上並勅建遣  
官九龍堂以下舊只令開封府遣官後皆勅差官仍令  
諸寺院宮觀開啟道場令水旱亦令依古法祈求五嶽  
四嶺朝河中府后土亳州太清宮兗州魯真宮河中府  
太寧宮鳳翔府太平宮舒州靈仙觀江州太平觀亳州  
明道觀泗州延祥觀兗州景靈宮太極觀以上並勅差  
朝臣或內侍自京齋香合祝板駝驛就祈五嶽真君觀  
泗州晉照寺西京無畏三藏塔以上並遣內臣詣建道  
場 太祖建隆二年六月十九日王翰林學士王著上言  
秋稼將登將稍愆時雨望令近臣按舊禮告祭天地宗  
廟社稷及望告嶽鎮海瀆於北郊以祈雨昭用其禮惟

不祀配座及名山大川雨足報祭如禮四年五月一日  
以旱命近臣遍禱天地社稷宗廟宮觀神祠寺道中使  
馳驛禱於嶽瀆自是凡水旱皆遣官祈禱唯有變常禮  
則別錄乾德二年三月十一日遣左拾遺梁周翰等馳  
驛分詣五嶽祈雨 端拱二年十月二十三日御書白  
版一幅降宰相趙普第曰萬方有罪罪在朕躬顧茲雨  
雪愆期應是咎星所致為人父母心莫違寧直以身為  
犧牲焚於烈火亦未足以答謝大譴當共卿等審刑政  
之闕失念稼穡之艱難恤物安人以祈垂祐時普以疾  
在告即以御劄授呂蒙正等翌日蒙正等詣長春殿曰  
臣等伏讀御劄若負芒刺自陛下繼承寶位一紀有餘

躬覽萬幾勤恤民隱未嘗有纖微之失蓋是臣等任處  
所詣用非霖雨願上印綬以答天譴帝慰勉久之先是  
彗星謫見之後自七月不雨至是凡五嶽四瀆名山大  
川無不徧禱殊無響應帝憂念蒸民不遑安寢故有是  
詔 淳化元年四月五日命中使分詣五嶽祈雨 二  
年三月三十日帝以歲蝗旱減損常膳並禱群望而甘  
澤未應降手詔曰宰相呂蒙正與參知政事等共於文  
德殿前築一臺朕當暴露於其上三日不雨卿等當焚  
朕以答天譴蒙正等惶恐共遣詔書不宣布于外未幾  
而膏澤沾足飛蝗盡死 淳化三年五月十六日帝以  
久愆時雨憂形于色謂宰相曰歲旱滋甚朕懇禱精至

並走神祇而未獲膏澤者豈非四方刑獄冤濫郡縣吏  
不稱職朝廷政理有所缺乎是夕降雨尺餘翌日宰相  
以時雨應期相率拜賀帝曰朕孜孜求理視民如傷內  
省於心無所負矣而久愆時雨蓋陰陽之數非朕所愛  
朕所憂者在政化之未孚官吏之不稱職耳因切責相  
宰相李昉等慙懼拜伏退上表待罪賜璽書諭荅至  
道元年二月十三日命中使分詣五岳祈雨至道二  
年三月十五日以歲宿戒親詣諸寺觀祈雨會大風不  
果出遣宣政使王繼恩以下分禱命有司講求故實太  
常禮院上言按典禮凡京都旱則祈嶽鎮海濱及諸山  
川能興雲者於北郊望而祭又祈宗廟社稷每七日一

初不雨還從北郊如初旱甚則雩雨足則報祈用酒脯  
醢報如常祀皆有司行事已齋及未祈而雨者皆報祀  
遂遣參知政事李昌齡祠北郊張洎寇準分祠太廟社  
稷又命官詣皇建院寶相寺天壽院啟聖院觀音院普  
淨院定力院天壽顯靜寺顯聖寺等覺院天清寺祈禱  
真宗咸平元年三月八日詔曰農功伊始膏澤未霑  
爰申至誠庶獲嘉應宜遣官告祈天地宗廟社稷嶽瀆  
京城祠廟寺觀 四月四日以京東河北旱遣使於衛  
州白鹿山百門廟祈雨後以祈應賜名靈源廟五日詔  
曰時雨未洽宿麥可愛恤然疚懷再伸勤請宜特遣工  
部侍郎畢士安祠五龍堂刑部侍郎郭贊給事中柴成



務知制誥李若拙祠太一宮令以今月九日早赴逆處  
焚香<sup>所</sup>以副朕意 五月七日宰相國寺焚香禱雨陞  
殿而霽霽復冒雨幸太平興國寺啟聖院建隆院觀賜  
僧道錢帛茶餅 教坊伶官見於道左賜錢三百千不  
令庖從駕衛士悉霽濕賜新衣易之 咸平二年三月  
十四日以旱詔有司祠雷師雨師四年二月亦然閏三  
月三日工部侍郎知揚州魏羽上唐李邕書祀五龍堂  
祈雨之法詔頒於諸路帝曰此法前代所傳不用巫覡  
蓋防褻慢可令長吏清潔行之郡內有名山大川宮觀  
寺廟並以公錢致禱其法以甲乙日擇東方地作壇取  
土造青龍長吏齋三日詣龍所汲流水設香茶茗菓饗

餌率羣臣鄉老日再至祝酹不得用音樂巫覡以致媒  
瀆雨足送龍水中餘四方皆如之飾以方色大凡旱及  
建壇取土之里數器之大小及龍之修廣皆取五行成  
數焉五日辛太一宮天淨寺禱雨前一日帝與宰臣俱  
蔬食以致精懇十日得雨群臣皆賀因詔罷諸無名力  
役不急營造 三年六月一日詔遣使祠兩浙境內名  
山大川祠廟先是帝以其地災疫深所軫念命三館檢  
討祈福靈迹以聞至是命使禱祭以祈福應 十二月  
二十八日遣翰林學士梁周翰以來歲元日設太一宮  
設醮一月為民祈福 四年二月十五日辛開寶天壽  
相國寺上清宮祈雨翌日雨自去冬至是雨雪稍愆帝

屢軫至甚每御蔬食是日臨軒御衣霑濕左右進蓋却而不御景德元年四月二十七日以京城旱命知制誥晁迥詣北嶽禱雨五月十一日遣常參官詣五嶽四瀆祈雨是日大雨霑足不遺六月九日命知制誥陳堯咨北嶽祈雨七月六日大雨翌日帝謂侍臣曰近頗亢旱有西州人貢胡僧自言善呪龍祈雨朕今於精舍中試其術果有符應事雖不經然為民救旱亦無避也閏九月十七日以邢州修城畢功命考功郎中直秘閣潘慎修諸州余醮為民祈福大中祥符二年二月詔如聞近歲命官祈雨有司止給祝板不設酒脯其令自今祈報一如禮令七日詔自今中書門下侍差官祈禱並

前一日致齋祠廟祭告並用香幣酒脯醢等仍令太常  
禮院牒諸司寺監供應祠官不虔御史臺糾舉以聞帝  
聞遣官祈雨有司止給祝板不設酒脯因出禮令故事  
示宰臣命申明之其賽謝日諸宮觀寺院官給錢五千  
造食宮觀仍用青詞神廟則翰林給酒御厨造食遣寬  
衣天武官昇往仍給紙錢馳馬十八日愆雨遣知制誥  
錢惟演直史館高仲職方員外郎高冕祠太一宮禱禮  
院言太一宮兩廊有十精太一十六神並主風雨望增  
遣官分拜故也司天少監史序祀元冥五星於北郊除  
地為壇望告都官員外郎梁楚祀雨師雷師於本壇又  
特祝景德天清顯聖顯寧顯靜五寺二十六日以雨足

遣官報謝社稷初學士院不設配位及是以問禮官太  
常禮院言祭必有配報如常祀當設配座又諸神祠天  
齊五龍用中祠例祇祠城隍用羊八簋八豆既設牲牢  
禮料具御厨食翰林酒紙錢馳馬等更不復用其五嶽  
四瀆泗州晉照寺西京無畏三藏先遣朝臣祈請亦當  
報謝詔止令樞密院遣使臣馳往報謝餘從請四月十  
日以河北久旱遣祠北嶽五月二十五日以陝西旱甚  
遣使分詣鳳翔府上清太平宮汾陰后土西海西嶽河  
濟顯聖王廟西嶽真君觀祭醮仍令各前三日致齋如  
陝西更兼有自來靈顯宮親寺院神廟委轉運使選官  
精虔祈禱七月二十日詔諸路祈禱雨雪所須禮料並

從官給先是以前雨法頒諸州至是上封者言州縣多  
因緣率歛故有是命 大中祥符三年八月六日以昇  
洪潤州亢旱火災遣內侍馳往撫問軍民搞設將校耆  
老及醮禱管內名山大川神祠有蓋於民者八年二月  
十七日命宰臣以下分詣寺觀祈雨遣官禱嶽瀆仍命  
參知政事丁謂建道場於嶽觀是時觀修營尚未畢工  
二十二日幸玉清昭應宮開寶寺上清宮焚香禱雨  
大中祥符九年九月十三日以自秋不雨帝慮首種失  
時憂形于色減膳徹樂徧走羣望命輔臣分祈天地宗  
廟社稷祠宮觀佛寺即日雨降分遣官致謝于所禱之  
處時有泗州龜山僧智悟請就開寶寺福聖塔斷右手

所雨及是帝作甘雨應祈之詩命近臣畢和二十八日詔  
曰虞衡所職斬伐以時屬直館之並興顧地材而畢取  
落成伊始美報爰中俾展精修用符昭報宜令京東西  
陝西淮西江南兩浙荆湖南路應曾經采木石處遣長  
吏及佐官建道場內興功大處七日小處三日仍設請  
醮以伸報謝 仁宗天聖二年三月二十三日詔以中  
春農事興畿甸久無雨澤遣官詣五嶽四瀆祈求仍詣  
會靈觀池上望龍翌日雨足詔在京宮觀祠廟擇日賽  
謝歲官清在外者止就會靈觀望祭更不差官 三年九  
月六日帝諭內近臣南中勾當迴言諸處名山洞府投  
送金龍玉簡每開啟道場頗有煩擾不得清淨速令分

祈諸路投龍處所仍今後不開建道場宰臣王曾等曰  
亦聞投龍之處每建道場預差人夫般送齋料物色踰  
逾嶺煩擾民貧或如聖意今後務從簡省實為至當

明道二年三月二十二日幸會靈觀上清宮景德寺  
靈感宮請雨 景祐元年正月八日太子洗馬致仕邢  
中和言自去冬雨雪愆亢聖心祈禱未應臣剋課正月  
九日十八日必降甘雨望遣官躬祀九龍宮貴神十精太  
一必有靈應詔差兩制官一員精虔祈禱九日詔開封  
府令街坊人戶依法精虔祈求雨雪十九以獲應報  
謝四月二十六日詔河東路愆雨令逐州軍長吏躬詣  
名山祠廟宮觀寺院依法精虔祈求五月二十二日



幸靈感塔上清宮祥源觀以愆雨應期報謝七月十一日幸慈孝寺會靈觀以秋稔報謝三年六月一日詔河北路愆雨差朝臣詣北嶽及令轉運使州軍長吏名山祠廟寺觀依法求慶歷三年四月十七日遣官詣五嶽四瀆祈雨五月十四日幸大相國寺會靈觀祈雨先是諫官以天旱請遣官祈雨帝曰朕已宮中蔬食齋禱上天引罪責已庶獲豐楙之應宰臣章得象曰陛下奉天憂民至誠如此必有感召帝曰天災流行亦朕躬無德所致得象曰此乃臣等脩位蒞宰未能宣布善政以召和氣適聞天語甚不遑安帝曰時政中瑣細之務不足留意惟是民間疾苦須當省察有以利天下者

必行之卿等更宜公共訪求以答天意得象曰兵興已  
來賦役頗重臣等固當夙夜思度務在康濟惟恐才力  
有所不逮二月十二日詔近遣官祈雨獲應並令祭謝  
是日宰臣賀雨帝曰昨夕陰雲始布朕露立殿庭仰空  
禱望須臾雨至衣盡沾濕嬪御輩亦立雨中久之章得  
象曰苟非至誠如此何以感動天地帝曰朕比欲下詔  
避寢徹膳以申責已之意然不當為此虛名夙夜精心  
密為祈請四年三月四日遣內侍兩浙淮南祠廟祈  
雨五年二月二十四日幸大相國寺會靈觀天清寺  
祥源觀祈雨二十八日獲應復詣報謝六年四月二  
十一日以陝西旱遣內侍往寧州要冊秋建道場

皇祐元年七月五日定州少雨初知州韓琦言河朔  
久不雨而禱祈無應若興自聖懷禱于天地山川宜獲  
嘉澤尋遣秘閣校理張子思以默詞祈于北嶽至是以  
雨足嶽奏二年三月十一日命朝臣兼傳詣天下名  
山大川祠廟請雨八月十五日詔再頒先朝祈雨雪  
法令所在置嚴潔處遇愆旱即依法祈雨十二月二十  
一日知制誥胡宿言事神保民莫先祭祀比年以來水  
旱相仍切意有所未至望令天下具名山大川能興雲  
雨者增入祀典春秋禱祀從之三年六月七日詔近  
遣內侍往嘉州祈雨而本州具僧道威儀候迎境上遠  
人勞擾其令轉運司自今禁止之四年三月十一日

遣官祈雨帝謂輔臣曰開封奏婦人阿齊為祈雨斷臂  
恐惑眾不可以留京師其令從徙居曹州七年三月十  
八日幸西太一宮晉安禪院祈雨英宗治平元年四  
月十九日命輔臣禱雨天地宗廟社稷及遣使禱五嶽  
四瀆名山大川諸祠廟二十八日幸相國寺天清寺醴  
泉觀以旱災為民祈福先是權御史中丞王疇言真宗  
咸平元年三月小祥是歲五月親出禱雨然則皇祖舊典在  
諒間中亦嘗有所臨幸但不宴樂之事耳陛下光有天  
下不唯都城之人願瞻天日之表久矣雖四方之遠  
亦皆嚮風而環首想聽輿馬之音以自慰也伏料聖孝  
思慕之勤勤必尚未忍及於游幸然諸路宮觀所以奉

真靈而延福禧與諸帝后神御所在恐宜於聰斷奉養  
之暇有所饗謁而請禱以表尊先奉神之心願乘輿服  
御或不當全用常例之下太常參詳仍詔禮院詳定至  
是詣寺觀禱雨五月四日詔自今水旱命官禱于九宮  
貴神從樞密副使胡宿請二十七日命輔臣分詣郊廟  
社稷宮觀謝帝躬康復閏五月十四日詔久旱將以十  
七日禱雨于禁中宰臣請以是日分禱于宮觀寺院從  
之二十三日以應祈復命報謝二年正月二十八日  
以旱命宰臣已下自二月二日分詣諸宮觀寺院祈求  
三月獲應復命報謝三月六日詔五嶽四瀆名山大  
川處差知州通判祈雨四年五月十三日詔差朝臣

五嶽四瀆諸水府祈雨十九日以感復命報謝神宗  
熙寧元年正月二十一日詔古者有望祭山川之禮今  
獨闕此宜令禮官講求故事以時舉行今在京差官分  
禱宜就本司先致齋三日然後行事諸路擇端誠修潔  
之士分禱東海四鎮五嶽四瀆名山大川至祠所潔齋  
行事毋得出謁宴飲賈販及諸煩擾仰監司察訪聞奏  
諸路神祠靈迹寺觀雖不係祀典祈求有應者並委州  
縣差官潔齋致禱二十七日幸西太一宮謝雨先是正  
月十七九日幸相國天清寺集禧醴泉觀祈雨天下詔  
舉望祭禮及諸處遍祈帝又謂輔臣曰朕嘗於禁中發  
大誓願祈雨雪俟有驗當詣西太一宮謝之至是雨

足廸往二月七日雨甚帝曰時雨應祈春苗有望樞密  
使文彥博曰雨雪久愆若非陛下精神動天何以致此  
帝曰天道不遠苟懷康濟之心必蒙昭荅樞密副使韓  
絳曰若上下協心專務康濟生靈必獲天祐四月十二  
日詔河北京東尚未得雨可指禱雨露闕雨州軍長吏  
親禱所在名山神祠七月二十八日以霖雨未至遣官  
祈天地及宗廟社稷五嶽四瀆仍令輔郡長吏齋潔祈  
祭所在名山靈祠開在京寺觀縱士庶焚香五日四月  
三日幸集禧觀醴泉觀大相國寺祈雨閏十一月二十  
三日三司使吳克言每歲宮觀祈禱率用黃白紙錢不  
少竊謂祇奉上真理宜虔潔紙錢於古無稽元自今請

寢罷從之十二月二十四日三司又言准詔今後應奉  
道場之物悉准舊例然 禱雨雪或有未應則計日支  
賜倍有煩費欲望除本命生辰年交保夏道場僧道  
恩例准舊外非近供設滿一月班首人十五千餘各十  
千一月外只依一月例半以上及二七日七日三日皆  
遞減半惟衣服仍舊從之 五年六月一日詔時雨未  
降輔郡名山聖祠可指揮所在長吏精虔祈禱三日幸集  
禧觀大相國寺祈雨九日復幸謝雨 七年二月十八  
日詔河北東西京東永興秦鳳路轉運司令久愆雨澤  
去處長吏擇祠廟精加祈求三月十三日以旱遣官分  
濟京城歲內諸祠五嶽四瀆各安長吏致祭五月九日



詔河南路轉運司見關南州軍令逐處長吏訪尋在所  
名山靈祠能興雲雨者開設道場精<sub>虔</sub>祈求七月七日  
詔陝西路亢旱秋種未入令轉運司訪名山靈祠祈雨  
八月十一日詔久旱禱雨未應其令長吏躬禱獄<sub>實</sub>十  
八日詔諸監司訪名山靈祠委長吏祈雨又遣輔臣告  
于中太一宮是日又詔京師久旱祈禱多日未獲感應  
可差官就中太一宮致告十神太一并開建道場差宰  
臣以下致告又令諸路轉運提點司訪尋轄下州縣名  
山靈祠委長吏精虔祈禱九月三日命輔臣分詣天地  
社稷宮寺等處謝雨五嶽四瀆仰逐處長吏虔行祠賽  
三日帝以連日雨諭輔臣曰朕禁中令掘地一尺五寸

土猶滋潤如此必可耕耨韓絳曰陛下憂憫元元禱祠  
備至精神上達亟致感通臣等比與太一齋祠竊觀執  
事者踰旬未嘗解帶以見聖意虔恭左右之臣亦不敢  
小怠也 八年三月二十一日河北西路轉運司使劉  
航言自冬頗愆雨雪乞遣中使於曲陽大茂山真令洞  
役龍以禱從之閏四月十九日詔定州路自春闕雨令  
知州薛向躬禱北嶽二十一日詔永興等路亢旱令轉  
運司訪名山靈祠委長史祈禱二十三詔真定府界旱  
甚令孫固親禱名山靈祠六月一日詔淮南旱甚令轉  
運司委州軍長史祈禱名山靈祠七月二十三日詔諸  
色旣日見闕雨澤選日差官祈禱又詔淮南兩浙等路

久苦旱災遣尚書職方員外郎張維祈禱仍令逐路有  
載在祀典靈顯祠廟所在吏精虔祈禱九年六月二  
十七日又詔訪聞京西路湏闕雨澤西京尤甚速令所  
在訪名山靈祠長吏精虔祈禱九月十三日詔輔臣詣  
天也社稷宗廟寺觀祈雨十年三月十六日詔開封  
府界京東河北東路見愆雨澤令提點及轉運司訪尋  
管下名山靈祠委所長吏躬親精虔祈禱四月十二日  
詔諸路少雨州軍令轉運司訪境內名山靈祠委長吏  
祈禱如獲感應旋具奏聞元豐五年三月二十八日  
詔河北等路祈雨亦令旋具感應處聞奏二十三日中  
書門下言御前降到蜥蜴祈雨法四月十八日舉行二

十五日而雨詔附宰鵝祈雨法後頒行其法捕蜥蜴十數至瓮中漬之以雜木葉選童男十三歲以下十歲以上二十八人分兩番間日衣青衣以青塗面及手足人持柳枝霑水散灑晝夜環繞誦咒曰蜥蜴蜥蜴興雲吐霧雨若滂沱汝歸去元豐元年正月九日詔京南京西淮南轉運司訪管內名山靈祠委長吏躬親祈禱雨雪自後二年三年五年六年七年諸路或雨暘失時即詔轉運司移文郡縣並如元豐元年正月九日詔二月二十三日詔輔臣分詣天地宗廟社稷等處祈雨乃令京東西河北河東陝西淮南等路雨澤愆少州軍轉運司訪尋管下名山靈祠委長吏精虔祈禱三月九

日詔中書門下時雨未足可選日遣官祭禱風伯雨師  
雷師十六日又遣官祭禱真武五星以下二月二十八  
日詔河北河東陝西久愆時雨漸見害稼可分遣禮官  
躬親東西北嶽五臺山祈禱四月十二日詔開元郭徐  
濟等州久無雨澤穀麥失望人情不安近錄已差內臣  
見在東嶽道場可遣禮官詣彼祈禱所有廣西今春亢  
旱可下安撫轉運司訪名山靈祠所在差官禱雨 三  
年七月七日詔西北諸路久愆雨澤令知定州韓絳躬  
詣北嶽祈禱東西中嶽令所在知州依此四月三日詔  
輔臣謝雨于天地宗廟社稷初自春不雨祈禱滿至及  
是雨尺餘帝喜見於色諭武臣曰禁中令人掘地潤及

一尺五寸秋成當復有望殆天助也王珪曰陛下正身  
修德格於皇天前後祈禱未嘗不應帝曰卿等史官悉  
心補朕不逮庶合天意六年五月十六日詔訪聞陝  
西諸路見苦少雨守臣祈禱久未感應宜令轉運司更  
切訪名山靈祠所在擇日恭致朝命委官虔祈三月十  
四日詔淮南京東京西路即今關少雨澤可令轉運司  
各訪尋管下名山靈祠所在委長吏躬親精虔祈禱  
哲宗元祐元年正月二十四日太上皇后詣中太一宮  
集禧觀二十七日皇帝詣大相國寺皆以祈雨四年  
三月二十四日詔京西路關中嶽河瀆及淮濟各委  
長吏祈禱仍遣內侍齋香就建道場五年五月十二

日詔昨為闕雨差官詣兗州東嶽等處祈求名山大川  
就差本處長吏所禱已獲感應去處就委本處長吏選  
日恭詣賽神 紹聖元年四月八日詔時雨稍愆令開  
封府及諸路依例祈求畿內諸祠即提點司選官精禱  
十八日詔諸州長吏躬詣五嶽四瀆祈禱二十一日輔  
臣以畿內縣降雨狀進呈 帝曰聞諸路頗得膏澤良  
可喜也但未遍及爾又聞一麥皆有成熟之望不知粟  
已布種未也輔臣皆曰雨澤雖降尚憂未涯見已祈禱  
至二十五日而雨足遣輔臣謝宮觀寺院 四年五月  
三日詔令陝西河東京東路闕雨州軍應管下嶽瀆及  
名山大川并諸祠廟自來祈感應之處令長吏精虔

卷一萬六

十五

元符二年三月  
十七日詔陝西  
路關雨去處  
令逐州軍長  
吏選清境內  
山川祠廟精  
禱三月十一日  
詔輔臣等詣  
宮觀寺院祈  
雨二十二日詔  
輔臣等詣天  
宮觀寺院祈  
雨雨止令

祈求其合用祝文令學士院依例修撰 三年五月二

十四日詔諸路如有關雨去處令逐州軍長吏選日

境內名山大川祠廟精禱 五年五月二十四日軍官

以愆雨祈求上曰二十六七日必有雨已而果驗趙挺之

曰陛下天縱將聖雖歷象陰陽占候無不其精微上

曰天地之間不離陰陽五行之數今日太一移宮水限

也故有雨 政和二年五月二十六日差近臣詣宮觀

寺院祈雨未及禱而雨改報謝 宣和四年二月七日

駕詣廣聖宮卜以卯時焚密表祈雨申時雨降六月八

日令宰執率侍從官詣越州圓通觀音院祈雨合用香

令入內內侍省請降自後凡用香並如之紹興元年十



長更於管下  
嶽瀆名山并  
諸祠廟自來  
祈禱感應之  
靈選日精虔  
祈求其合用  
祝文令學士  
院依例修撰

此段法三年  
五月上

九日亦用此禮七月二日詔宰執率侍從官詣天慶觀  
圓通寺謝雨十月二十二日詔就圓通院開建祈雨道  
場日輪侍從官一員燒香每五日宰執官前去祈禱八  
月二十六日詔令簽書樞密院事權邦彥詣天竺祈雨  
六月二十一日詔訪聞兩浙東路稍愆雨澤令本路帥  
司差官詣寺觀廟宇嚴潔祈禱七月四日詔輪宰執從  
官一員詣上天竺寺祈雨十六日上以愆雨謂輔臣曰  
朕宮中素食已累日尚未降澤令斷屠精禱雖至然尚  
慮政事未平刑獄冤濫可速令疎決平反在外州縣令  
提刑親行疎決務在刑清也至是就法慧寺祈雨斷屠  
宰三日五年二月二十五日詔雨澤稍愆恐妨農事

應臨安府界載在祀典及名山大川神祠龍洞在內分  
差從官在外遣職事官親詣祈雨 五年六月九日八  
年十一月五日九年六月十七日並同此例六月九日  
宰臣趙鼎奏請分遣侍從官編走群寺祈雨上曰○  
如此朝廷政事闕失更宜講求沈與求曰雲漢之詩雖  
云上下奠瘞靡神不宗不廢禱祈之事要之以側身修  
行為本必蒙嘉應十三日詔訪聞湖南久愆雨澤可令  
帥臣席益恭詣南嶽廟祈禱應合用祠祭之物並於上  
供錢內支破路要精潔庶獲感應二十一日宰臣趙鼎  
等奏甘澤應祈皆陛下寅畏休惕精誠所格乞御常膳  
上曰朕累日寢食不安者豈特為國無儲畜而望歲之

心甚切並恐歲飢民貧起而為盜朝廷不免遣兵討定  
殘殺人命亦天道之所宜憫也二十二日中書門下有  
言昨日稍愆雨澤祈禱天地宗廟社稷嶽瀆四海雨師  
雷師應臨安府界載在祀典及名山大川神祠龍洞今  
已獲感應望並令元差官各詣逐處報謝從之自是每  
祈晴雨有應並依此<sup>例</sup>八月二十四日內降德音應潭  
柳鼎澧岳復州荆南龍陽軍循梅惠英廣韶南雄虔吉  
撫州南安臨江軍汀州管内應名山大川及歷代聖帝  
明王忠臣烈士有功及民載於祀典者安所在差官嚴  
潔致祭時以<sup>三</sup>賦<sup>也</sup>紹興七年二月九日詔應平江  
府界載在祀典及名山大川神祠龍洞在內分差侍從

在外委所屬縣分知縣親詣祈雨二十六日詔雨澤稍  
愆恐妨農事應建康府衙界載在祀典及名山大川神  
祠龍洞在內分差侍從官在外委所屬縣分知縣親詣  
祈雨 七年六月七日七月八月並同此制六月七日  
詔諸路如有闕雨去處令轉運司行下逐州縣差官祈  
禱七月十三日宰臣張浚等言雨澤稍闕乞率從官禱  
雨又乞弛役慮四等數事因奏如浙西諸郡及宣州  
廣德軍地形下未覺旱如鎮江建康府地形高最覺闕  
雨上曰朕患唯不知四方水旱之實宮中種兩區稻其  
一地一地下高昨日親閱之地高者其苗有槁矣須精加祈  
求庶早得雨澤十三日詔稍愆雨澤恐傷禾稼可差官

祈禱天地差參知政事陳與義宗廟差宣州觀察使什  
常社稷差戶部侍郎王侯五獄五鎮差禮部侍郎吳表  
臣四海四瀛差禮部侍郎陳公輔雨師雷師差太府  
少卿鄭作肅十七日宰臣張浚奏祈雨已多日而未有  
感應上曰昨日有雲物意遂作雨而夜深乃散卿更等  
求可以感召和氣事遂意為之六月二十日詔已迎請  
上天竺觀音就法慧寺祈求雨澤令臨安府禁屠宰三  
日并鷄鴨之類並下得宰殺其後法慧寺奏為懷遠驛  
每迎請就明慶寺七月二十一日宰臣秦檜等奏陛下  
齋居蔬食以祈雨澤考之典禮唯當損太官常膳上曰  
雖損膳豈免日殺一羊天意好主朕意實不忍殺臣檜

等既欽歎上至仁之心愛人及物雖一羊不忍推此如  
應天何患天心不格既而甘靈應禱霑足 十一年七  
月六日詔雨澤稍愆令太常寺祈禱九宮膏神十二月  
尚書省言旱暵為災深恐害稼派禮洌合差官祈禱天  
地宗廟社稷獻鎮海瀆雨師雷神從之 十二年五月  
九日知臨安府俞使言上天竺靈感觀音自車駕駐蹕  
每遇水旱凡有祈求必獲感應今來本寺修建殿宇望  
給降度牒添助修造庶示褒崇詔令於本條省錢支賜  
錢五千貫 十九年七月十二日輔臣以甘雨應祈乞  
拜表稱賀上曰若更五日無雨則禾稼有傷如浙東等  
處尤高得此雨極為利濟秋成遂可必徑山等處祈禱

應可與加封 二十一年十二月十五日上宣諭輔

臣曰連日小雨臘雪未應期已遣使祈禱太乙祠是日

晚雪作翌日上謂秦檜曰昨晚使得雪甚可喜檜等曰

陛下至誠昭格如此當率百<sup>官</sup>拜表稱賀二十九年三月

四日詔雨澤尚愆令太一宮寧壽觀精加祈禱仍禁屠

宰三日八月詔以久旱祈禱未應禁屠宰三日及鷄鴨

魚蝦應千生命之屬並行禁斷 隆興四年六月十二

日詔臨安府於今月十三日早如法迎請觀音入城祈

雨十六日上宣諭宰執曰天久不雨宰臣陳俊卿奏曰

陛下憂閔元元念<sup>事</sup>之重如此只此一念便可動天

地上曰朕亦欲却蓋烈日中歸庶或可以動天意卿等

可檢故事有此否十七日省言迎日雨澤稍愆臨安府  
奉上天竺觀音就明慶寺祈禱詔日輪侍從官一員燒  
香又詔應臨安府界載在祀典及名山大川神祠龍洞  
在內分差侍從在外委所屬縣知縣親詣祈雨合用香  
金入內內侍省請降仍令本府具合祈禱處日下中尚  
書省十八日宰臣蔣芾奏言昨日并夜得雨滂霈皆陛  
下聖德感動天意上曰此雨極可喜但不知四遠及外  
方州郡亦遍及否陳俊卿奏曰觀今早雲氣未散次第  
遠處亦皆有雨車駕來日更不必出上曰今既得雨却  
未須出姑俟他日顧蔣芾曰卿可詣太一宮謝雨是緣  
至芾奏曰臣謹當齋戒祇事却差執政詣明慶寺觀音



處謝雨上曰甚好是日殿庭雨再下大顏有喜色顏帝  
曰若更得數日雨使四達通濟則今秋可望一熟王炎  
奏曰得此一雨中外人情孰不欣快豈是小事先是十  
六日有旨欲以十九日幸太一宮明爽寺祈雨至時得  
雨故止令宰執詣謝二十七日詔雨澤稍多令臨安府  
止屠宰三日及鷄鴨魚蝦應生命之屬並行禁斷八月  
六日禮部言兩浙安撫司以祭龍求雨法求上乞布之  
天下按皇祐頒降祈雨雪法冊無繪畫龍等惟廣德軍  
元解發印造到內有繪畫樣制至今年深慮致損墜乞  
於昨來祭龍祈雨雪內添入繪畫龍等樣制從本部下  
臨安府鑄板以黃紙如法印造成冊納部本部下都

進奏院頒降諸路州府軍監縣等嚴加收掌遇愆雨雪  
精潔祈求從之 七年五月十七日詔臨安府已迎請天  
竺觀音就明慶寺祈雨令宰執十八日前詣燒香自十  
九日輪侍從官一員祈禱及應臨安府界載在祀典并  
名山大川神祠龍洞在內分差侍從官在外委所屬縣  
知縣親詣祈雨合用香令入內侍省請降乃令本府  
具合祈禱處日下中尚書省其湖秀常州平江鎮江府  
關雨處亦令所屬縣親詣祈禱十八日上宣諭宰執曰  
自去冬郊祀以來雨暘時若誠不易得虞允文奏曰陛  
下聖德上當天心如元旦受冊寶天色澄霽近日恭請  
太上出郊終日開晴至晚乃雨天心昭昭其應不虛上

曰雨暘尤好麥已登場稻田亦下種矣允文等奏曰農  
人得雨種稻得晴刈麥雨不閤事誰知帝力之大也上  
曰朕心惟望百姓富足國計又其次民富則國矣富允  
文奏曰自古帝王只以豐年為祥瑞蓋富實之本果允  
家奏曰陛下無一念不在百姓上天降鑒必有美報且  
如去秋一兩郡小歉聖心焦勞分委臣下指置入春以  
來並無流民所活不知幾千萬人蠶麥浩登盛德之報  
上曰前日蠶麥豐熟朕親拜表章以答天休此去秋成  
即與卿等同燒香也同日詔為祈雨其十九日早晚御  
膳並進素七月十六日宣諭臨安府少尹見祈雨澤可  
禁屠宰三日關報浙西州軍依此嚴切禁斷仍精加祈

禱十一月二十四日詔近日關雨令臨安府精加祈禱  
及令兩浙安撫轉運司行下所部守令務在嚴潔應感  
每五日一次具雨澤狀申尚書省二十九日宰執奏禱  
雨雪事上宣諭曰昨寫與龔茂良陳彌作問兩路雨雪  
朕之憂心形於寤寐虞允文奏曰聖心焦勞臣等兢懼  
近聞江西得雨此間雖未甚雨若遂禱而得之亦足少  
寬宵旰之念 淳熙三年五月二日參知政事龔茂良  
李彥穎奏農事正興民間以久不得雨為慮適連夜霽  
霽極可慶上喜甚曰朕日夕以此為憂早上方於宮中  
焚香拜謝天地更乞終惠成此豐年以寬焦勞之心茂  
良等言陛下憂民閔雨如此誠意所格天且不違茲誠

大慶同日詔近來雨澤霑足浙間種蒔已見次第可令江東淮南漕臣具管下州縣得雨日辰及布種禾稼分數以聞 七年五月十三日上謂輔臣曰昨日日間雨雖小至夜頗霽需右丞相趙雄等奏曰昨日吳淵未曾取旨遽欲迎請天竺觀音入城繼聞有旨令吳淵只就寺中祈禱甚當陛下之禱久矣上曰朕每自修省唯恐不逮孳孳為民未嘗敢忽庶幾天心昭格雨暘以時雄等奏曰成湯遇旱則以六事責已宣王遇旱則側身修行陛下仁孝勤儉日新一日聖德之修固有素矣非若宣王固有懼而修也上曰成湯禱旱之辭朕每疑好事者增益之且湯之不通聲色自無女謁何至於盛今曰

女謁盛邪則是湯果嘗有此事矣雄等奏曰不通聲色載之於書女謁之盛見於傳記今當以書為正八月四日上謂輔臣曰祈雨未應朕欲初六日就禁中設醮祈禱卿等來日宜齋戒後日拈香又云朕欲下詔求言自職事官以上各令實封言事是夕雨 淳熙九年六月十二日詔遣內侍闕禮詣紹興府降香禱雨是月二十一日己亥感應復命報謝十年七月四日車駕詣景靈宮行禮次幸明慶寺拈香祈雨十三年六月十一日宰執進呈祈雨放房絡上曰亦須禁屠宰臨安一日殺多少物命王淮等奏禱雨未應聖心焦勞臣等不勝惶灼上曰朕欲親詣太一宮燒香次至明慶淮等奏祖宗禱

兩太一宮雖有故事但當此盛暑懼勞聖躬上曰朕為  
百姓不憚出一日亦欲小民知朕此意淮等奏乾道間  
亦曾降旨適會有雨上曰當時却不曾出十三日宰臣  
王淮等奏雨澤愆期陛下欲十四日光就殿庭焚香禱  
天次詣太一宮明慶寺燒香淮等及侍從欲就十五日  
分禱天地宗廟宮觀諸處上曰序當如此十四日幸太  
一宮次明慶寺觀音前焚香禱雨七月十日太常寺言  
元陽為沴檢照國朝典禮凡京都旱則祈嶽鎮海瀆及  
諸山川能興雲雨者於北郊望告又祈宗廟社稷及雩  
祀上帝皇地祇詔命宰臣已下分詣祭告八月三日已  
獲感應復命報謝十四日命祕書省著作佐郎兼權兵

部郎官梁汝永往徑山龍潭太<sub>正丞</sub>魚權刑部郎官

李祥往廣德張王祠各齋御香祝板祈雨八月二日宰

執進呈太常寺乞謝雨王淮等奏初疑後時而禮官謂

有所必有報上曰既是天地宗廟社稷宮觀亦不容已

若更月十日無雨人將乏水飲則奈何淮等奏報謝只

用酒脯上曰如何無<sub>何</sub>宰淮等奏國朝典禮所用酒脯

謝如常祀合用牲牢但紹興以來並止用酒脯惟雩祀

用牲然雩無報謝之禮上曰前日歌雲漢之詩如何淮

等奏亦如法 淳熙十六年閏五月二十三日詔近聞

建康府闕少雨澤令守臣精加祈禱務要速獲感應仍

將見禁公事疾速決遣毋致淹延如本路更有闕雨去



處令帥臣依此施行十月十九日臣僚言祈雨奏告天  
地大抵用法酒二升底麴五合此則所宜厚者簡而不  
度乞依儀制用酒脯醢報謝用牲牢從之 紹熙元年  
六月十九日詔雨澤稍愆恐妨禾稼可日輪侍從一員  
詣上天竺靈感觀音前精加祈禱務要速獲感應是月  
二十二日獲應命官報謝 五年四月二十一日為闕  
雨詔差太府少卿林湜詣臨安洞霄宮祕書監薛叔似  
詣徑山龍潭司農卿萬鍾詣天目山龍洞祈禱至五月  
十三日獲應命元差官報謝同日中書門下省言兩浙  
江東西兩淮州軍間有稍闕雨澤去處已委守令祈禱  
未獲感應詔逐路轉運司行下所部闕雨州縣仰守令

躬詣管内寺觀神祠嚴潔精加祈禱務要速獲感應仍  
禁屠宰三日以指揮到次日為始同日詔祈雨未獲感  
應令臨安府迎請上天竺靈感觀音就明慶寺精加祈  
禱仍禁屠宰三日七月九日詔雨澤稍愆日輪侍從官  
一員詣上天竺靈感觀音前精加祈禱務要速獲感應  
凡遇祈禱及感應日宮觀祠廟則命元差官上天竺觀  
音前霍山廣惠廟則命日輪至官致謝其香皆係入內  
內侍省請降慶元元年六月二年三月三年四月五年  
四月嘉泰元年四月六月三年四月開禧元年七月二  
年六月三年五月嘉定元年四月二年五月六年五月  
七年六月八年三月五月九年五月十年六月十一年

五月十月十三年六月十四年正月十七年六月亦如  
之八月二十四詔近日雨澤稍多日輪侍從一員詣上  
天竺靈感觀音前精加祈禱慶元元年正月五月二年  
八月四年四月七月八月五年八月嘉泰三年三月開  
禧元年九月二年三月三年八月嘉定三年五月四年  
八月五年三月八月六年正月七月七年九月七年八  
月十年四月亦如之開禧三年二月十一日詔雨澤稍  
愆兩浙州軍令本路轉運司行下所部闕雨州縣委自  
守令親詣管下靈感神祠精加祈禱務獲感應嘉定  
元年閏四月亦如之五月二十九日以雨澤稍多詔令  
執政侍從分詣祈禱天地宗廟社稷宮觀歲鎮海瀆風

雷雨師慶元三年三月二十六日詔雨澤稍愆令臨安府守臣詣天竺山精加祈禱務獲感應自後凡遇雨暘愆期並有是命四月九日詔雨澤稍闕令宰執侍從分詣祈禱天地宗廟社稷獻鎮海瀆羣神嘉泰元年五月間晴三年五月嘉定八年四月亦如之六年四月二十四日宰執進呈次謝深甫等奏日來諸處闕雨前日乞輪侍從祈禱隨即傾注但未滂沛惟陛下發一念之誠庶幾感應必速上曰止得一日之雨未能霑足二十七日詔雨澤稍愆令臨安府迎請上天竺靈感觀音就明慶寺同所輪侍從精加祈禱務獲感應嘉泰元年五月間晴元年七月嘉定元年閏四月七年六月八年三月

十年六月十四年正月亦如之五月四日詔令逐路轉  
運司行下所部闕雨州縣仰守令躬詣管内寺觀神祠  
更切嚴潔精加祈禱務要速獲感應仍自指揮到日禁  
屠宰三日開禧二年六月嘉定元年閏四月七年六月  
八年三月亦如之同日都省言闕雨祈禱未應詔分遣  
官詣臨安府洞霄宮徑山龍潭天目山龍洞祈禱仍令  
臨安府及安撫司差近上官三員同齋祝版前去嘉泰  
元年五月開禧元年七月嘉定元年四月七年六月八  
年三月十四年正月亦如之後又令官詣龍井惠濟廟  
祈禱同日詔祈雨未應遣官齋御封香祝版前去廣  
德軍同守臣躬詣廣惠廟精加祈禱嘉泰元年五月開

禧三年二月嘉定元年閏四月七年十月八年三月十  
四年正月亦如之十四日都省言亢陽為沴祈禱未獲  
感應檢照典禮凡京都旱則再祈嶽鎮海濱及諸山川  
能興雲雨於北郊望告又祈宗廟社稷及雩祀于園壇  
詔宰臣以下分詣祭告嘉泰元年五月嘉定八年四月  
亦如之十八日詔明慶寺迎請觀音祈禱令豐儲倉支  
米七十石充本寺食用二十一日宰臣京鏜奏雨澤應  
期中外欣喜皆自陛下側身修行有以感格上曰連澇  
沛遂過所望嘉泰元年五月七日詔雨澤稍愆分差  
卿監郎官詣臨安府東嶽天齊仁聖帝吳山忠武英烈  
威顯靈佑玉天王神城隍福順王廟旌忠觀祈禱開禧

元年六月三、年五月嘉定八年三月十年六月十四年  
正月亦如之三年九月二十日詔兩澤稍多分遣御監  
詣東嶽天齊仁聖帝吳山忠武英烈威靈顯祐王天王  
神城隍廟旌忠觀祈禱開禧三年五月嘉定五年四月  
六年正月十年四月亦如之嘉定元年閏四月二十四  
日御筆朕念常暘為沴夕惕靡寧雖已齋心致禱于宮  
中及命羣臣徧走名祠而精誠未至兩澤尚愆朕以二  
十七日親詣太一宮及明慶寺燒香仍令三官行下諸  
路監司守臣各體朕意虔加祈求務獲通濟既而獲應  
詔全宰臣詣太一宮致此詣明慶寺致謝八年三月二  
十八日詔兩澤稍愆差官祈禱兩師雷神風師二十九

日詔雨澤愆期兩浙路州縣社稷各令守令精加祈禱  
四月六日車駕詣景靈宮朝獻行禮次幸太一宮及明  
慶寺靈感觀音前拈香祈雨已而獲應五月九日詔令  
宰執並詣致謝十一日御筆農事既興時雨未決皆朕  
涼德所致已於宮中蔬食密禱上天省過責躬可自今  
月十二日為始避殿減膳撤樂仍令輔臣分祈天地宗  
廟社稷庶獲嘉應以慰民心十五日御筆自春入夏雨  
澤愆期夙夜疚懷靡遑寧處已令編禱羣祀雖獲感應  
尚未霑足應詣路闕雨州縣靈迹神祠寺觀雖祀典所  
不載而水旱應禱者各委郡縣長吏差官潔齋祈禱十七  
日兩浙路運判章良肱言目今正當營種之時管下州



縣間有闕雨去處雖已行下雨浙州縣分委官於自來  
靈感寺觀廟宇精加祈禱及親詣上天竺觀音寺龍井  
玉泉諸廟祈求雖獲感通猶未霑足今欲躬親前去徑  
山龍洞祈禱乞賜指揮從之臣月二十七日臣僚言臣  
竊聞神宗朝旱暵為災司馬光上疏以為京師近雖獲  
雨而畿甸之外旱氣如故願陛下雖徇羣臣之請御正  
殿復常膳猶應兢兢業業憂勞四方此先正之格言聖  
主之所樂聞也今者王畿近甸旱既太甚河渠為陸稻  
畦如石人情嗷嗷天意莫解若更旬決事將若之何執  
事者祈禱無效奔走力疲近者雨方小應未應謝而遽  
謝羣臣又再三請陛下御殿復膳陛下不得已而從之

亦其未應請而遽請也然則其果謂天人可欺邪其遂  
委之無可柰何而不復圖所以救災之道邪臣伏思天  
心未嘗無感通之理殆今日猶未盡所以應天之實姑  
以數端言之臣聞遷善改過取象風雷責其速也陛下  
昨頒求言之旨而詔書格於五日之餘明主急聞切直  
之意殆不其然臣是以疑應天不以實也動人以言所  
惑者淺言又不切人誰肯懷伏讀求言之詔責躬之義  
未深具文之意莫揜臣是以疑應天之不以實也士子  
投書司匭杆格逡巡數日扣閤乃通蓋導人使諫之誠  
不孚故有司疑沮之遂見尚可謂應天以實乎播紳應  
詔掇拾細故後省看詳未盡施行藥皮膚之病而諱心

腹之疾尚可謂應天以實乎方日者夸雨應而興白龍之祠走羣望以舉謝雨之禮乃有阡陌細民指行事官而怨訕芻橋苗於都城以赴愬者昔固有袖死蝗請賀而飛蝗蔽天者今壅蔽無乃類此邪近甸之旱勢既彌甚江淮之間赤地相望間有所植新秧盡為蝗蝻所損而州縣申述或謂雨已通濟或謂雨意未已或謂蠶麥收成貢諛說之書行蒙蔽之實昔人有言州縣奏雨一寸云三寸云一尺今欺罔無乃過之耶舉是數端則非惟應天之無實且欺天以自文欲以格天臣知其難矣方今都城米價日以翔踴增長不已將斗粟千金而有司未聞措置西湖猪水且防滲漏貴勢取放以供園池

有司順承惟謹湖山久年不竭之泉今者亦就枯涸城中鬻水於山者雙斛幾至半百淮甸行旅率以數十金而得一杯水或謂此等氣象數十年來之所無天變如斯而所以應之者類不甚切臣實為之寒心况旱勢已深小暑屆候縱使得雨稼事無及或可蘇瀕水之禾或可植霜勢之稻大勢已去所種能幾是惟九陽赫烈中外憂虞僅非三日之霖一驅旱魃之虐將恐鬱攸疵癘相熒而起多端之虞不特無年而已臣願陛下上軫宸慮俯察先言雖從御殿復膳之請益圖銷變召和之道毋以施行一二者為已足毋以指陳激切者為過當毋以凶荒有數未必由人而興毋以勢分相遠難為人

言所制圖以理勝不必求以氣勝樂與衆同不必故與衆違所謂智高天下而聽於至愚威加四海而屈於匹夫容小所以為大善下所以為深古聖君賢相之事業其配天無私同地厚載者皆在於此更乞速降指揮令有司再行祈禱必誠必敬期於感通以見朝廷不忘閔雨有志乎民予以稍慰人心杜患微眇從之 嘉定十年六月八日詔令兩浙漕臣詣上天竺靈感觀音前及諸霍山廣會廟行祠祈雨 嘉定十四年正月七日詔歲暮以來雨澤未應當此春首農事漸興令兩浙州軍監司守臣以下精心祈禱仍於各州軍應城内外有靈壇古跡寺觀及龍潭靈祠等處守臣躬親前去如其地

里隔涉州委職官縣委佐官各行前去務要精虔速獲  
感應

已見前編

宋會要 祈雪

高宗紹興元年十二月五日詔雨雪稍愆日輪侍從一員詣上天竺靈感觀音前精加祈禱務在速獲感應三年十一月如之五年正月四日都省言近降指揮祈求雨雪已獲感應詔令輪至侍從於初五日致謝寧宗慶元元年十一月二十三日詔瑞雪稍愆日輪侍從一員詣上天竺靈感觀音前精加祈禱務獲感應二年十一月三年十一月四年十一月五年十一月六年十一月嘉泰元年十一月二年十二月三年十一月四年十二月嘉定元年十一月二年十一月三年十二月四年十二月五年十二月七年十一月八年十一月九年

十二月十年十一月十一月十二月十二月十一月十二月  
四年十一月亦如之二年十二月十二月十二月十二月  
臨安府載在祀典神祠及名山大川令本府日下委官  
前去精加祈禱務獲感應二十一日三省言時雪未降  
合行祈禱詔令宰執侍從分詣祈禱天地宗廟社稷天  
慶觀報恩光孝觀太一宮九宮貴神嶽鎮海瀆雨師風  
師開禧二年十一月二十八日詔祈雪未獲感應令  
臨安府迎請上天竺靈感觀音就明慶寺同所輪侍從  
嚴潔精加祈禱務在速獲感應三年十二月亦如之十  
三月四日詔祈雪未應分遣知監郎官詣東嶽天齊仁  
聖帝吳山忠武英烈威顯靈祐王天王神城隍廟福順



王廟旌忠觀精加祈禱 嘉定五年十二月五日詔祈  
雪未獲感愆分遣卿監郎官詣東嶽天齊仁聖帝吳山  
忠武英烈威顯靈祐王天王神城隍廟福順王廟旌忠  
觀祈禱

七年十一月十三年十二月廿如之

全唐文

宋會要

新晴

淳熙四年四月十八日詔陰雨未已日輪侍從一員詣

上天竺靈感觀音前祈晴如八月淳熙十年九月四日上

謂輔臣曰連日陰雨未止恐妨收刈朕甚憂慮可日輪

侍從官一員詣上天竺觀音前祈晴是月十一日已後感

淳熙十三年五月十四日宰臣王淮等奏梅雨已多莫

須降香祈晴上曰未須如此朕自昨日早晚焚香默禱

于上帝淮等奏聖心與天通至誠感格與臣下萬萬不

同 紹熙四年四月十八日詔陰雨未已日輪侍從一

員詣上天竺靈感觀音前祈晴 紹熙十年九月四日

上謂輔臣曰連日陰雨未止恐妨收刈朕甚憂慮可日  
輪侍從官一員詣天竺觀音前祈晴是月十一日已獲感應復命報謝  
開禧三年五月二十六日都省言祈晴尚未感應詔曰  
輪卿監郎官一員詣霍山廣惠廟行祠祈禱務要速獲  
感應自後凡遇詔輪侍從詣靈感觀音前祈禱並有是  
命獲應則命輪至官致謝 嘉定六年正月二十六日  
詔陰雨未晴應臨安府載在祀典神祠令本府日下差  
官前去精加祈禱務要速獲祈應七年十月一日都  
省言陰雨有妨收刈見行祈晴未獲感應詔遣官齋御  
香祝板前去廣德軍同守臣詣廣惠廟精加祈禱 慶  
元二年八月二日都省言秋雨未霽恐妨苗稼詔令兩

浙轉運司行下所部州縣有雨去處應載祀典及名山  
大川神祠龍潭委自守令親詣精加祈禱務獲感應  
二十日詔令宰執詣明慶寺靈感觀音前祈求晴霽  
慶元元年五月二十二日詔陰雨連綿恐妨禾稼令兩  
浙轉運司行下所部州縣委自守令親詣管下靈感神  
祠精加祈禱務要速獲晴霽

謝

1

宋會要

乾道八年九月四日上謂宰臣曰自來秋多陰雨今已  
十日晴矣正當刈穫歲事可保朕蚤暮精心祈禱天意  
可見虞允文奏曰所謂必有非人力所能致而自至者  
此受命之符上曰十月間擇日就內設醮報謝

全唐文

宋會要得災異

紹興三十一年十一月三日臣寮言竊謂陛下躬躬修德可勝彊暴望差撥使人降祀文御香告祭汾江祠廟威靈顯著血食廟庭載於祀典者令州府分詣致禱四聖五歲之神於宮觀設位祈禱冀蒙陰助以速萬全從之三十一年閏二月十八日太常少卿王善言伏覩車駕巡幸視師前期遣官祈告天地宗廟社稷宮觀諸神諸處備官誠心感格響應昭彰遂使道亮謀夷虜騎遁去兩淮無警舊疆復歸茲者回鑾臨安當行報謝之禮從之隆興二年閏十一月二日禮部太常寺言討

論松江祠廟等告祭事乞依紹興三十二年指揮禮例  
其淮南州縣載在祠典祠神亦乞降香祝板前去致禱  
內道路阻節處止降付鄰州近縣令本處知通令佐於  
寺觀設位嚴潔致禱從之時北虜侵犯有司中審此有  
是命

六日太常寺言准已降旨依紹興三十一年指  
揮禮例致禱于四瀆五嶽顯應觀旌忠觀祚德廟忠清  
廟其行禮官各一員之降初差侍從官充如闕於卿監  
內差官施行從之 八日致禱于天地宗廟社稷諸陵  
兩瀆宮太一宮九宮貴神風伯雨師五嶽四瀆四海馬  
祖蚩尤北方天王 淳熙三年五月二日禮部言新權  
發遣建昌軍戴覲奏仰惟聖朝以火德旺同符兩漢臣

項見州郡天慶觀舊有火德殿蓋朝廷崇奉恪虔之意  
往往因循廢弛比年以來州縣數有回祿之災欽惟陛  
下聖德昭明日可銷弭災變恐火星躔度容或失次其  
數有不能免者欲望聖慈令州郡天慶觀及道宮元有  
火德殿去處重加修飾嚴奉香火俾守臣致禱庶幾精  
誠感格銷禳災數送部看祥尋下太常寺檢照國朝會  
要崇寧三年四月八日翰林學士張康國奏乞應天下  
崇寧觀並修火德真君殿依陽德觀殿以離明為名從  
之政和元年八月八日詔天下崇寧觀寺並改作天寧  
萬壽觀寺政和七年二月十三日詔天下天寧萬壽觀  
改作神霄玉清萬壽宮建炎元年六月四日尚書省言



近降赦文天下神霄宮並罷本寺檢照到前項國朝典故即不該載州郡天慶觀及道宮許置火德殿去處令看詳難以創建如舊有去處令本處宮觀自行修飾嚴奉香火詔依

祈禱禁屠

淳熙八年四月二十八日詔御厨自今遇祈禱禁屠宰次日共進素膳

末島

嗚呼島為界然島添置卓望兵令戍官往來巡邏詔令指畫聞奏不得希功生事

周用  
祭

宋會要

孝宗皇帝紹興三十二年八月八日禮部太常寺言有詳輔祭事欲依紹興祀令蟲蝗為災則祭之候得旨本寺擇日依儀祭告其祭告之所國城西北無壇壝乞於餘杭門外西北精進寺設位行禮所差祭告官并合排辦事並依常時祭告小祀禮例在外州縣無蟲蝗為害處候得旨令戶部行下有蟲蝗處即依儀式一面差守令設位祭告施行從之按太常因革禮慶厯四年六月臣僚言天下螟蝗頗為民物之害乞京師內外並修祭輔詔送禮院詳定禮院稱周禮族師春秋祭輔音輔為人物災害之神鄭康成云校人職有冬祭馬步則未

知此酺者蜚螾之酺歟人鬼之步歟蓋亦為壇位如雩  
祭云然則校人職有冬步是與馬為害者此酺蓋人物  
之害也漢時有蜚螾之酺神又有人鬼之酺神康成未  
審果從何酺故兩言之歷代書史悉無酺儀式欲准祭  
馬步儀施行壇在國城西北祭儀禮料並屬小祠乞差  
官就馬壇設祭稱為酺神祝文係學士院撰定若外州  
者即略依祭禮是歲儀注先擇便方除地設營纘為位  
營纘謂立表施繩以代壇其致齋行禮器物等並如小  
祠上香幣以白祝文曰維某年歲次月朔某日州縣具  
官姓名敢昭告于酺神蝗蜚荐生害於嘉穀惟神降祐  
應時消殄請以酌制幣嘉薦昭告于神尚饗  
嘉定

八年六月七日以飛蝗入臨安府界詔差官祭告酺神  
同日詔令兩浙淮東西路轉運司行下所部州縣如有  
飛蝗去處並仰守臣差官祭告酺神精加祈禱不得徒  
為文具 八月十四日都省言飛所至去處合行祭告  
酺神詔令諸路轉運提舉司各行下所部州軍如有飛  
蝗去處並仰守令躬親祭告精加祈禱毋為文具

祀諸星

全唐文

宋會要

政和三年議禮局上五禮新儀司中司命司民司祿壇  
各廣二十五步風師雨師雷師壇高三尺四出陛並一  
壇二十五步風師壇廣二十一步雨師雷師壇廣十五  
步又言本朝都城壇壝之制風師在城之西雨師在城  
之北雷師從兩師之位為二壇同壇州縣風師在社之  
東雨師在雷師之西非所謂各依其方類求神者請倣  
都城方位之制仍以雷師從兩師之位為二壇同壇從  
之

宋會要

國朝承唐制祀九宮貴神東郊用大祠禮 真宗咸平

四年三月二十四日直祕閣杜鎬上言按史記封禪書

云天神貴者曰太乙太一之佐曰五帝今禮以五帝為

大祠太一為中祠况九宮所主風雨霜雪雷霆疾疫之

事唐玄宗天寶中遷九宮貴神次昊天上帝類於天地

神祇至武宗會昌中升次昊天上帝次望復為大祀用

協舊章詔史館禮院詳定以聞翰林學士承旨宋白等

議曰伏以太一天之貴神五帝寶太一之佐今五帝常

為大祀太一止在中祀考於禮文是為倒置况會昌中

僕射王起博士盧就討論詳定頗為酌中今請如鎬議

復為大祀其御書記版禮同社稷增設壇兩壇玉用兩

主有階藉以藁秸如茵褥如幣色五郊大祀公卿升降  
各有階陛壇四階之外西南又為一階曰坤道人門今  
請行事升降仍舊由此並從之 八月七日詔以九宮  
貴神壇壝不合禮制及與墳冢相接遣使遷移修展太  
常禮院上言大壇上面无尺丈闊狹令請第一成東  
西南北各一百二十尺高三尺再成東西南北各一百  
尺高三尺壇上安小壇九每壇縱廣八尺各相去一丈  
六尺取容陳列祭器及公卿酌奠奏可仍遣官以香幣  
酒果致告 大中祥符元年七月十三日以東封泰山  
詳定所上言先准勅九宮貴神升馬大祀令參詳如在  
本壇即為大祀如當郊祭无此神况位座不全珪玉

宣統其於封祀壇不合用玉望令三省官集議詔吏部  
尚書張齊賢集兩省給事舍人以上同議定以開封  
宣准圓<sup>印</sup>從祀惟有太一攝提軒轅招搖咸池太一  
等位是時頗疑神名或殊八月四日詔曰九宮之神  
所職猶重寶財成於元化用陰陽於下民始於唐朝乃  
崇祀典嘗乘輿而親饗載方冊之舊聞爰自近年復舉  
明制益其牢幣升為大祠今禮屬建封義資民扶惟介  
亡之從祭在列位以無文所宜俯適公宗別興壇墠聿  
薦苾苾之奠式伸寅奉之誠將來封祀宜別擇地建壇  
致饗依大祠禮例施行初帝謂宰臣王旦等曰九宮貴  
神雖令詳定仍在有司議改更復有未便且前代曾行



躬祀之禮復又已升大祠如何參酌得合典禮且言臣等商量封禪之禮不同常祀欲於秦山下別建九宮壇可否更繫聖裁帝曰朕意亦然勿更定議使當依此施行故有是詔五日詳定所言九宮貴神壇請於秦山下行宮之東量地之宜建置准郊祀錄壇二成三人四階其上依位置小壇九所皆高一尺五寸縱廣八尺又西南為一階曰坤道人門即不載壇都大縱廣八丈今京城壇再成今請置壇二成每成一尺上成每面各長三大二尺壇東西南北各出一階西南坤道又為一階各闊五丈上置小壇九位各高一尺五寸每面各長八尺每小壇相去各八尺四隅各留五尺壇下四面仍為兩

壇各二十五步准禮例擇日築壇興工日委泰山制置使備酒脯差官告本處后土從之仍詔牲用太牢九月八日有司言九宮貴神南郊從祭位座不全自景德二年少府設以玉九段置從祀之位欲望自今非別祭者並不用玉從之自後親祀南郊皆遣官就本壇別祭三年十一月以將祀汾陰遣資政殿大學士向敏中祀九宮貴神時已命敏中餞契丹使於班荆館御筆記其事以示宰臣王旦言祀為大事不可改帝然之乃令樞密院改命官餞送六年九月十六日禮儀院言九宮貴神已與恭謝天地同日祭於本壇又准禮例仲春祀九宮緣祭不欲數請罷常祀從之九年七月二十一

日以前祀災遣官於二十五日記九宮貴神王旦曰九宮貴神是大祀前七日當受誓戒若以二十五日記則於禮不備帝曰可擇日依典禮施行仁宗景祐二年四月七日新休寧士永言章得象等奏詔詳定司天監役人戶引氣化九宮貴神無逐年轉移宮位之法乞行改正又熟生丁附奉化九宮神位止用一局乞將九宮太經太逆个凡宮六移位次祭告謹按部良過九宮法有飛基立成周母歲一移兼推九州所主災害之法又按唐天寶中術士蘇嘉慶始置九宮神壇於城東其壇一成高二尺四陞上依位置九小壇東南曰信搖正東曰軒轅東北曰太陰正南曰天山中央曰天荷北曰太

一西曰口羅位正西曰咸池西北曰青龍五數為中戴  
九履一左三右七二四為上六八為下符於遁甲此則  
九宮之定位每歲祭以四孟隨歲改位行其謂之飛位  
目乾元以後止依本位祭之遂不飛易仍減冬夏二祭  
國朝因乾元故事無所改更今于淵等所請即合大寶  
初祭之禮又今及遇飛基之圖臣等竊謂九宮之法本  
自術家時分之文經禮不載昔漢室祠官所領多本於  
方士其性幣壇場之數歲時昏曉之節薦配鼓舞即用  
其方故有黃帝用蚩武夷用乾魚之類是則為民請福  
無文咸秩寧有過立非執一隅今議者或以謂不必飛  
移若日月星辰躔次周流而祭所常一此則定位之祀

所當從也若其推數於回復候神於恍惚因方弭沴隨  
氣考祥則飛位之文固可遵用參議若依于淵等所請  
亦協唐禮舊文即乞祭九宮之時差司天監官一員赴  
祠所隨每年青神飛集之方旋定祭位從之其法自天  
聖七年己巳入歷太乙在一宮歲進一位飛集逆行周  
而復始英宗治平元年五月四日翰林學士胡宿上言  
竊見前書載九宮青神寶司水旱雖下見鯉經而當時尊  
祀次於昊天上帝唐明皇肅宗嘗親祀之雖大和降為  
中祀至會昌即復其禮仍以宰相往修祠事國家祇告  
舊典列於常祀至和中因修時祭先祿小吏慢祀而震  
死者二人咸靈所傳耳目未遠今首夏垂盡而時雨尚

憊有惻上仁徧走群望昔宣王遭旱雲漢之詩曰上下  
奠瘝靡神不宗况司水旱之神又可闕諸臣愚以謂宜  
因此時特遣近臣并祠九宮貴神詔令禮院詳議於是  
禮官上議國朝舊制每歲雩祀外水旱稍久皆遣官告  
天地宗廟社稷及諸寺觀宮廟九宮貴神今祠大祀亦  
宜准此命官就壇祈禱從之神宗元豐六年二月二十  
八日太常博士何洵直言熙寧祀儀春秋仲月祀九宮  
貴神初文稱嗣天子臣某恭惟九宮貴神功佐上帝德  
庇下民雖緣方士所說著之祀典而函生蒙福有助昌  
時以禮秩論之當與社稷為比伏請依照熙寧祀儀為大  
祠其祝版即依會昌故事及開寶通禮書御名不稱臣

所貴輕重相稱不失禮意又近例諸祠祭牲牢之數正配以全體解剖各用一牢如雨師先農皆中祠先牧馬祖馬步皆小祠每位亦一少牢令貴神九位亦是正坐異壇別祀尊為太祠而共用二少牢於腥熟之俎骨體不備比之中祠小祠反有弗及謂宜每位一牢凡用九少牢尚書禮部言王者父天母地兄日姊月其於天地禮當稱臣諡即九宮之神於天地固有所降今祝文例皆稱臣諡為公襲之誤宜如洵直所請又既為大祠即牲牢與諸大祠不宜有異及嶽鎮海瀆五龍司中司民司祿亦當準雨師馬祖每位皆以一牢備其牲體則禮文大小相稱從之仍下太常寺修入祀儀尚書禮部亦言五

福十太一祝版青詞稱嗣天子臣某謹按古之祝辭以  
天子至尊雖祇事天地宗廟亦民嚴上蓋未有稱臣者  
故禮曰踐祚臨祭祀內事曰孝王某外事曰嗣王某內  
謂宗廟外謂郊社大戴禮載祀天祝文稱予一人某漢  
承古禮稱天子以事天其贊饗辭又曰皇帝認明帝始  
詔禮天地明堂五郊可稱天子臣某東晉賀循制策祝  
文稱皇帝臣某公襲至今蓋用魏晉之制本朝儀注祀  
儀於上帝五帝日月並稱臣至於五福太一與九宮貴  
神皆天官也近制亦稱臣檢會九宮貴神祝版進書已  
不稱臣五福太一當依照寧六年以前故事其被遣  
之官自宜稱臣如此則不失輕重之體從之 哲宗元



祐六年閏八月二十二日禮部言國朝自景祐中始用  
天寶祠祭之法飛易位次以故天符不常在中今送神  
樂章云靈壇九位直符處中與祀儀不協乞下學士院  
改正從之 七年七月二十二日尚書禮部太常寺言  
比臣寮奏請祭十神太一與九宮貴神並用素食承詔  
詳議謹按唐會要會昌元年中書門下奏九宮貴神壇  
準天寶三載勅宜次昊天上帝壇在太清宮太廟上用  
牲牢璧幣類於天地又九宮貴神舊儀牲用犢祝版御  
書玉幣樂成比類中調又本朝咸平四年六月四日勅  
九宮貴神升為大祠兼元祐祀儀春秋祀九宮貴神並  
以大祠牲牢禮料祭器樂祀玉幣行禮今臣寮言十神

太一 九宮貴神與漢所祀太一共是一神無異即十神  
太一與九宮貴神祭料合歸一致並用素食太史局稱  
九宮十神太一各有所主名義不同即非一神故自唐  
迄今皆用牲牢別無祠壇用素食之禮欲乞依舊制從  
之先是監察御史安鼎奏竊見九宮貴神每宮祭料用  
羊豕各一謹按九神之名既見於禮記及諸史書詳矣  
漢武帝始創太一一位至唐天寶初兼祀八宮乃謂之  
九宮貴神本朝自太平興國年後又隨太一所在築宮  
迎祠之皆因方士雜引道經星歷之學而為之也當漢  
祀太一時日用一犢凡七日而止唐祀九宮牲牢類於  
天地本朝春秋祀九宮太一用羊豕其四立祭太一宮

神皆無牲以素饌加酒焉再詳星經太一一星在紫  
宮門古天一之南號曰天之貴神其佐曰五帝飛行諸  
方躡三能以上下以天極星其一明者為常居主使十  
六神知風雨水旱兵革饑饉疫疾災害之事唐書曰九  
宮貴神實司水旱太一掌十六神之法度以輔人極國  
朝魯要十神太一亦云天之尊神及十精十六神並主  
風雨由是觀之十神太一九宮太一與漢所祀太一共  
是一神無異也今十神皆用素料而九宮並薦羊豕一  
神而葷素不同似非禮意亦恐貴神未必欲饗血膾也  
或曰十神專祀而九宮泛祀故葷素不同是不然既均  
號貴神則其靈德必無甚異且先儒皆以太一在九宮

尊不應屈尊者之所惡以就卑者之所欲也臣竊  
慮十神太一與九宮貴神祭料合歸一致並用素食詔  
令禮官詳定故有是議 藏宗崇寧三年四月十三日  
太常博士羅時言臣聞九宮者天之貴神主風雨霜雹  
疾疫盜賊之事唐志祀九宮貴神用牲牢玉幣類于天  
地明皇肅宗嘗親祠之國朝亦秩為大祀可謂重矣臣  
嘗與九宮祠事竊見諸神位並無禮神玉訥之有司皆  
云自來惟用燭玉臣竊見燭玉以民為之制度狹小按  
國朝祀儀祀五帝之類禮則以玉璫則以珉蓋近世以  
玉為難繼不可燭也是以用珉代之漢書云天神貴者  
太一佐曰五帝所謂九宮者太一蓋其一也今祀五帝

有禮神玉祀天神之貴者則闕之臣愚竊謂祀九宮宜用禮神玉少倣其幣之色薦之神坐其燔玉自從舊制從之 大觀四年四月二十八日議禮局言壁者天之體也主者天之用也日月星辰託體於天以致用其嚴有方其舍有次則所謂託體也一伏一見一進一退造化萬物此所謂致用也先王制禮用圭璧以祀日月星辰其義深矣所謂圭璧者圭其邸為璧以取象於上帝也今九宮貴神皆星名自唐時以其司水旱風雨霜雹疫癘之事有功於民故置壇特祀國朝因之益加嚴密而其玉用兩圭有邸夫兩圭有邸祀地之玉祀星辰非周禮也乞改用圭璧以應古制從之

仁宗康定元年十月十七日太常博士集賢校理胡宿言竊聞南京鴻慶宮災此上天示變以告人主臣未暇推言災異之意略陳經義願國家修火祀臣謹按春秋士弱封晉侯曰古之火正或食於心或食於味陶令之火正曰閼伯居商丘即祀大火紀時焉說曰火正謂火官也掌祭火星行火政後世以為火祖相土契之曾孫代閼伯後主火星宋其後也按商丘在今南京太祖皇帝受命之地當房心之次以宋建號用火紀德取於此至真宗皇帝始升建京邑號為三都則閼伯之神上配大火國家之興實受其福至於祀典猶宜超異於昔今閼

伯祠在商<sup>郊</sup>之上丘高二十餘丈祠屋制度狹小又不  
領於天子之祠官歲時府吏饗祀而已甚非報本尊始  
崇秩祀之意也臣愚願詔太常刊於祠官春秋二時遣  
使持版祀齋祠具或遣近臣或委留司長吏攝行祠事  
對祭大火比年國家數有火災宜遣使告謝因飾祠宇  
以伸嚴奉之意詔禮院詳定以聞既而宿又上言火正  
閼伯之祠在南京國朝受命之神自祖宗以來未領祠  
官竊謂朝廷惜之按春秋傳高辛氏之二子長曰閼伯  
季曰實沈居于曠林不相能也日尋干戈<sup>郊</sup>以相征討后  
帝不臧遷閼伯於商<sup>郊</sup>以主辰故辰為商<sup>郊</sup>主遷實沈於  
大夏以主參故參為晉星又襄公九年傳陶唐氏之火

正曰閼伯居商丘祀大火而火紀時焉且五行之官祀  
為貴神每歲五時祀之謂之五祀火正又配食於火星  
者以其於火有功祭火星又祭之漢書古之火正謂火  
官也掌祭火星行火政季春昏心星出東方而喙七星  
鷄首正南方則用火季秋星入則止火以順天時以救  
民疾又爾雅云大辰房心尾也大火謂之大辰周官保  
章氏之職以星土辨九州之地所封之域皆有分星鄭  
氏引十二次之分則大火宋也在氏傳亦曰宋大辰  
之墟漢書地理志宋<sup>邱</sup>房心之分野周封微子於宋今睢  
陽是也按圖經云商<sup>邱</sup>在宋城縣西南三里高八十丈  
周回二百步今閼伯之祠直當其上蓋房心天帝之明



堂太祖皇帝於受命奄宅天下以宋建號以火紀德都  
梁宋之郊當房心之次則大火之精閭伯之靈擁祐福  
蔭國家潛受其施者深矣而傳序四聖饗祀帛及祥符  
中又修大禮拱揖諸神雖偏方遠國山林之祀不出經  
據隅在祀典者尚秩王公之爵增牲牢之品而大火閭  
伯國家蒙福之神又陶唐氏之火正宋興八十年祠官  
不以聞此有司之闕也又按左氏國語董因逆晉文公  
於河公問曰吾其濟乎對曰君之出也歲在大火閭伯  
之星也是為大辰辰以成善又曰嗣續其祖如穀之滋  
韋昭以為辰為農祥周先后稷之所經緯以成善道子  
孫繼續其祖如穀之蕃滋推此而言則東方七宿房心

通有農祥之稱若因舊丘古祠除潔壇地臨遣近臣對  
祭閼伯不惟講修火正亦足以祈求年豐以陶唐之舊  
祀祖宗之闕典一旦陛下恢而復之為萬世法詔厥子  
孫永錫純嘏臣不勝區區太常禮院言閼伯為高辛火  
正實居商印主祀大火能宿其官後世因之祀為貴神  
配火脩食亦如周棄配稷后土配社之比下歷千歲遂  
為重祀祖宗以來郊祀上帝而大辰已在從祀閼伯之  
廟每款文及春秋又委京司長史致奠祭之典未始云  
闕然國家有天下之號實本於宋五運之次又感火德  
竊謂宜因興王之地商印之舊作為壇兆秩祀大火以  
閼伯配之每建辰戌出納之月內降祝版詔留司長史

奉祭行事遵五牲幣得視中祠其閩伯舊廟請如宿奏  
官為修飾宿又言比年國家數有大災宜遣使告謝凡  
災祥之起繫於時政消復變易實在明德告謝之儀恐  
未可施行其壇兆儀制續具申請頒下詔從之十二月  
四日太常禮院上南京大火壇制其壇高五尺廣二丈  
四出陛陛廣五尺設一壇通四面距壇各二十五步位版  
以黑漆朱書曰大火位配位曰閩伯位牲用羊一豕一  
器准中祠歲以三月九月擇日令南京長吏及以次官  
分三獻攝祠從之慶厯七年二月十六日集賢校理胡  
宿言臣曾經過南京親至商丘上其火正閩伯之殿  
雖制度狹小詢旁側居人皆不知建造年代近南京祠

名曰宋王祠蓋微子宋之始祖也宋人併祠之故俗呼  
商邱亦作宋王臺此祠於理可以並存然數椽小室其  
陋過甚關伯祠前後雖有屋宇十數間高下不相貫穿  
並無廊廡今宋祠祭別立壇場在商邱之東南百餘步  
制度草創壇墻低下宜增修新置壇場及商止祠宇四  
面郭縣廬小令完其詔令南京修葺七月十一日德音商  
止邱火祠壇廟有頽毀處加完葺之以奉安三聖御容  
南京鴻慶宮故也徽宗崇寧三年四月八日翰林學士  
張原國奏乞應天下崇寧觀於空使處並修之德真君  
殿依陽德觀宋建號用火紀德國家奉祀世受其福况  
陛下踐祚此邦復興王業遭時艱虞神遂之祀六年于

茲矣考之祀典正所當先望明詔有司舉茲闕文就行  
在秩祀大火配以關伯仰副述狩望秋之遺意太常寺  
討論得應天府祀大火係以季春季秋擇日差官於本  
廟致祭今道路未通祀事久廢禮合從宜於行在春秋  
設位望祭候路通令本府依自來體例施行從之既而  
本寺參酌合用御封降真香祝文二首禮料每位合用  
著尊一甕以法酒二升籩豆各一鹿脯重四兩鹿醢二  
合半赤帶長一丈八尺小尺七月十九日太常寺奏檢  
會康定元年十月十七日禮院詳定南京尚書為壇兆  
秩祭大火以關伯配內降祝版命留司長史奉祭得視  
中祠關伯舊廟量為修飾詔可按左傳昭公元年子產

對晉侯曰昔高辛氏有子長曰閼伯季曰實沈居于曠  
林不相能也后帝不臧遷閼伯於商丘邱主辰商人是因  
故辰為商星竊以國家自京師遠四方皆建離明殿崇  
奉火德儻又於興王之地別設大火明伯像從祀熒惑  
實應禮典從之四年閏二月二日禮部言離明殿增閼  
伯位按春秋昭公傳曰五行之官封為土公記為青神  
祝融高辛氏之火正也閼伯陶唐氏之火正也祝融既  
為土公則閼伯亦當服土公袞冕九章之服從之七月  
六日臣僚言列星之秩祠官者靈星壽星皆有壇而熒  
惑尚闕請於南郊赤帝壇壝外為壇以祀從之

全唐文

宋會要

祀熒惑星

徽宗崇寧三年四月十三日太常博士羅疇言仰惟國家乘大德之運以王天下臣謹按五行之精在天為陽星而熒惑者至陽之精天之使也朝廷比者就國之陽特開琳館以安其靈固宜倣太一宮遣官薦獻或立壇於南郊如祀靈星壽星之儀著之禮典以時舉之庶幾上稱陛下嚴奉真靈之意從之先是建中靖國元年建陽德觀崇奉事具宮觀門四年七月六日禮部太常寺言竊見衆星之在祠官者靈星壽星皆有壇以祀而熒惑尚闕請於南郊赤帝壇壇外為熒惑壇命有司

以時致祭詔禮部太常寺同議禮官言聖朝以火德王  
天下寅奉熒惑猶在所先當如所請從之大觀四年四  
月二十八日議禮局言周禮肆師之職掌立國祀之禮  
以佐大宗伯立大祀用玉帛牲牷立次祀用牲幣立小  
祀用牲玉人之事圭璧五寸以祀日月星辰聖朝以火  
德王天下寅奉熒惑外立壇壝內建閼宇秩視太祠道  
迎景既以福天下德至厚也今太常祀儀有牲幣而無  
圭璧則非陛下寅奉熒惑秩視大祠之意伏請自今祀  
熒惑壇增用圭璧以合周禮從之以上續國朝會要國  
朝會要無此門孝宗皇帝紹興七年五月十一日太常  
博士黃積厚言大祀如立夏日祀熒惑望下有司舉行



從之 禮料初權依奏告例後比擬舊制一視感生帝  
詳見其門 十八年五月四日禮部侍郎沈該言竊惟  
國家乘火德之建以王天下崇奉熒惑猶所當先先朝  
建陽德觀專奉火德配以關伯而祀以夏至舊章具存  
可舉而行欲望特詔有司於宮觀內別建一殿專奉火  
德配以關伯以時修祀庶幾仰答靈贍益固炎圖詔令  
禮部太常寺討論其後建于太一宮道院揭名曰明離  
乾道會要無此門

全唐文

宋會夢 長星

崇寧五年長星見蔡京斥居浙西時事小變士大夫觀望或於東筆之際有向背語蔡既再相門人蘇軾者自漳州教授召赴都堂審察獻議乞索天下學官五年所撰策題下三省委官考校以定優劣坐是停替者千餘人軾為太學博士遷司業卒老學庵筆記崇寧中長星出推步躔度長七十二萬里

宋會要 流星

咸平六年十一月二十七日夜有星出畢南霞流至屏北尾跡形屈曲三丈餘良久而沒又東方有星出南

河飛至中天貫昂畢至營室沒

宋會要 飛星

隆興元年八月十五日夜東南方有飛星出自壁宿距  
星急流犯王良星沒色赤黃潤澤有尾跡不照地明大  
如金星九月二十二日夜西方有飛星出紫微垣外座  
鉤星急流入抵紫微垣內座尚書星沒赤黃色微有尾  
跡不照地明如土星大二十日夜東北方有飛星出自  
天船星急流至紫微垣外座內厨沒臨沒時炸出二小星  
青白色有尾跡照地明無音聲大如木星 二年二月  
六日夜有飛星出權星左角西南向東北漫流至太微  
五帝座大星西南沒青白色微有尾跡不照地明大如

木星

宋會要 隕星

天聖六年四月十九日仁宗詔以星隕之變不御前後  
殿命中書樞密院分告於宮觀寺塔

黃帝壇

全唐文

宋會要

太平興國八年十月戊子詔祀土德於黃帝壇珪皓等  
具如大祠制俾祠官領之

先農壇

宋會要

雍熙四年九月二十七日詔來年正月親耕二十八日  
命宋白賈黃中等定儀注十月一日詳定所言北齊壇  
高九尺廣輪三十六尺四陞三壝四門唐制高五尺周  
迴四十步今請壇高九尺周圍四十步飾以青唐祀先  
農長安在通他門外十里洛陽在上東門外七里今請  
於朝陽門七里外十五里內為壇五日禮儀使言宋齊  
之制於先農壇東立觀耕臺請築臺五丈高五尺周四  
十步四出陞飾以青二十一日詳定所又言先農壇設  
二壝樂垂二舞俱在壇前請定御耕位在壝城東南外  
壝設於大次御耕位觀耕臺樂垂之外端拱元年正月

十七日親饗神農氏于壇以后稷配淳化元年五月二十三日禮官言端拱親耕壇設兩壝無周圍步數請四面各封五十步為兩壝壝各五十兩步從之景德四年十二月庚戌判禮院孫奭言六典禮閣新儀皆言吉亥饗先農令以正月一日望改用正月上辛後亥日詔禮官議從其請明道元年十二月庚子詔以來年二月丁未籍田就端拱壇位耕地因加修飾二十五日以農壇三壇地狹請自外壝十步限以青繩

先蠶壇

宋會要

先蠶壇景德中判太常寺李宗諤以諸神祠壇多缺外  
壇之制因深塹列木以表之營葺齋室月視其缺



四望壇

全唐文

宋會要

元豐二年知湖州陳伺請依周禮建於四郊八月詳定  
禮文所言小宗伯兆四望鄭注為壇之營域祭法四坎  
坎壇祭四方也壇以泰山川邱陵魏立四望位於祭地  
壇隋史官南郊圖有東西南北望之位各居其方唐開  
元禮祈嶽鎮四瀆于郊四方山川各附嶽瀆下請兆四  
望於四郊每方嶽鎮海瀆共為一壇望祭

祭瘞

以五時迎氣  
日祭之用血